

OHR podržava stav međunarodnih finansijskih institucija o Zakonu o pravima boraca

OHR je danas izrazio svoju podršku jedinstvenom stavu međunarodnih finansijskih institucija u Bosni i Hercegovini koje smatraju da bi usvajanje Zakona o pravima demobilisanih boraca i članovima njihovih porodica, u njegovom sadašnjem obliku, prouzrokovalo finansijsku katastrofu za budžet Federacije BiH.

Uz to, Zakon ne bi imao pozitivne efektne ni za borce, s obzirom da bi bilo nemoguće održati nivo predviđenih novčanih transfera, a vrlo je vjerovatno da bi smanjenje stope zapošljavanja i pogoršanje životnog standarda bile opće ekonomske posljedice usvajanja ovog Zakona.

Vlada Federacije BiH je ovaj Zakon usvojila u ponedjeljak, a Zastupnički dom Federacije BiH je Zakon usvojio u utorak.

Svjetska banka, MMF i Evropska komisija su istakli da bi, s obzirom na postojeće obaveze, usvajanjem ovog Zakona ukupan iznos godišnjih isplata za borce i članove porodica šehida i poginulih boraca iznosio oko polovine sveukupnog budžeta Federacije BiH.

Takva situacija je finansijski neodrživa. Davanjem obećanja koja jednostavno nije moguće ispuniti, i to sedam dana prije održavanja izbora, organi vlasti bi u potpunosti iznevjerili ukazano povjerenje.